

Vg
411

BR. 198: (38)



Alrichs von Hut-

ten verteiſcht clag/ an Herzog Friderich zu Sach-
ſen. Des hayligen Römischen Reichs Erz
marschalck vñ Churfürsten Land-
grauen in Thüringen/ vnd
Marckgrauen zu
Meiſſen.

§

1520



Die verteütschet clag Alrichs von Butten an Herzogen Friderich von Sachsen.

Durchleüchtigster hochgeborner Churfürst genedigter
ster herr. Nun sih ich erst/das man sich muß ernstlich
gegen der Römischen tyranney stellen/setzen/vñ sper
ren. Nun erst weil vnser brüder die Romanisten so dick vñ offte
brüderlich vermanet vnd erinnert/so dick vnd offte durch gut ge
gründt vsachen überwunden/die ding vnd sachen so vns bes
schweren nit alain linder handeln/sonder auch alhendel auff
aller geschwindest fürnemē hat E. C. G. nit gehört dz begert vñ
gesücht wirt/mich gefangen gen Rom zū schicken/vñ was das
sey/vñ wie wol es jnen anstee/zimne/vñ gebüre/sicht E. C. G.
Sy haben auch yezo/mein lieber got/wider Doctor Martinū
Luther/wie ain gewaltsame/wie ain grausame vngütige vnd
grimmige Bullen außgon lassen/also das man es aigentlich
mag sagen es sey ain Löwen geschray/welches so die vnseligen
schaff des hern Christi hören es nit als ain gütige stym des hir
ten erkennē/sonder darvor gleich als vor ainer blütgirigen stym
aines wilden vnd grausamen betrüglichen vñ ferlichen nach
trachters erschrecken. Dañ wa ist doch in ir ain ainiger fußstapf
oder anzaigung der Christenlichen senssemütigkeit/wa ist in ir
ain ainige ereüigung der demüt der hailigen zwölffpotten/also
grymmiglich schreyet er/also tobet vñ wütet er/aber sein grim
migkeit ereüigt sich so dañ am aller maisten/wañ er wie dañ oft
in der selbigen Bullen geschicht/sich für ain andern angibt/vñ
listiglich stellet als mainet er es gut vnd treülich/wie dañ dise
mainung ist/das er den Luther mit so guten Worten gen Rom
erfordert/eben also were vns verborgen/wie er mit vns handeln
vnd umbgon würd. Wañ aintweders der Luther sich überreden
ließ/vñnd williglich gen Rom keme/oder ich mit gewalt ge
zwungen dahin komen müßt. Derhalben so Doctor Martinus
Luther mir folgen wil/so wirt er nymer mer dahin komen/da er
vngeweyfelt gemartert würd. Aber das nympt mich groß wun
der/wer das den Leo den zehenden überredt habe/so ich so leicht
lich möcht gefangen/vñ gefangen miten auß Germanien oder

teütschem land über das vnwegsam wälsch gepürggen Rom
gepracht werden. Vnd wenn er es gleich vermöcht/ist dan das ai
nes hirten/ist das aines bischofs/ist das des stathalters Christi
ampt vnd gebür/nicht beclagen/nit verhören/sonder zu stund
vnd erstlich zu der marter ain Christlichen menschen ziehen vnd
tringen. Aber die ganz schuld vñ das ganz laster ist vnser selbs
das wir die Swangelisch vnd götliche ler von jnen vor langest
vmb ires gewins vnd aigen nutz willen veraltet vñ schier auß
getülget/vns vnderstanden haben wider zu irer kraft vñ macht
vnd irem liecht zu bringen/vnd das wir vnser Teütsch land der
vnder allen nation in der ganzen welt die freyhait am maisten
gebürt/nit gestatten dienstbar zu sein/das hat disem hirten miß
fallen/aber es hat dem hern Christo wol gefallen. Das hat dem
Römischen hoff der durch den geytz verderbt ist/geschadt. Aber
es hebt nun an zum frumen vñ nutzen vnserm vatterland/das
nun lange zeit der freyhait mangelt. Wir haben auch nit aines
yeden begir mögen willfaren/als wir wolten got dienen. Vnd
als wir wolten vnserm vatterland helffen vñ raten/haben wir
es mit der Curtisan vnd Romanisten bintnuß vnnd zunfft nit
künden halten/darumb haben die Romanisten kein frid mitt
vns (dan das ist ir mainung) wann wir haben frid mit der wars
hait. Darumb sag ich. Wir müssen vns endlich mit ernst vnd
schwind gegen jnen setzen/weil wir auffss höchst von jnen be
raubt vñ gebündert werden/vñ ir bosshait auffss gröst erx ach
sen ist. Vileicht auch auß diser visachen/das es zeit ist/das der
herr alle hochfertige besüche/der da über das geschwell gat/der
da erfüllet das hauß got des herren mit der vngerechtigkait vñ
betrüglchait/vñ die kron der hoffart der trunckne Eßfraym zer
tretten werd. Dan mich betriegen dan alle ding/so ist es gantz
lich nahent dz das groß Babylonien zerfall vnd vergee/ain müt
ter der hürerey vñ büberey vñ der aller greülichesten vnmensch
lichen handlung des erdtreichs/welche das erdtreich hatt durch
ir hürisch vnwesen vergifft vnd verderbt. Ja der Römisch stül
der alles vnflats vol ist/der mitt allen übelthaten verhefft ist/
welcher wie wol er auffss aller vngemessent des herren Christus
leer lebt vnd handelt/dennocht sich berümbthie auff erden des

herren Christi stat auff erden halten/vñ sich allain berümbt vñ
aufrüffet für ain haupt der gantzen Christenlichen kirchen. Ja
der selbig Römisch stül wil alain die gantz Christlich kirch sein
vñ zaiget sein abgot der welt/ den vernumelten Apostolischen
oder Papst/ der wie wol er lauter nichts dan die künigreich der
vergenglichen zeit/vñ die reichumb diser welt vñ wollust des
leibs achtet/ vñ vmb der selben willen krieg fieret/ vñ blüt ver-
geüßt/denocht der Christglaubigen augen die schlüssel fürwirft
vnd fürgibt den hymel zu verschliessen vnd auffzethün mitt so
grossen durst das er auch die haylige vnd hymelische ding vns
teglich vmb gelt verkauft/oder weñ es im geliebt vñ gefelt die
selben verbeüt auch den frumen/warlich es wirt fallen/es wirt
fallen. Ich laß mich auch beduncken ich hör yetz dise stym vom
hymel herab die vns wider dis vilheuptig grausam wild thier
erregt vñ sprech. Gebt im wider vnd thünd im vergeltung/wie
es eüch vergolten hatt/ vnd zwifacht die zwifachen nach seinen
wercken/in dem tranck darmit es eüch gemischt hatt vermischet
im zwifach/so viles wirdig.vñ in wollust gelebt hat.so vil mar-
ter/laid/pein/vñ berrübnuß vermischet im/dan es sagt. Ich sitz
ain künigin/vñ bin nit ain wittib/ vñ wird kein laid vnd clag
sehen/vñ der gleichen. Das müß aintweders also sein/ oder aber
ich wird in dem ding (das der warhait wunder ser einlicht) be-
trogñ. Möchtē nu dise ding noch höher zunemē/oder weil sy nit
höher mögē steigē/vñ auffs höchst überheüßt seint solten sy nit
zertrent werden solten sy nit fallen. Aber wer wil das rechnē wer-
will diß alles also verderbt/also vergißt/also verrückt widerüb-
rechtfertigen/bessern/vñ auffrichtē. Sol es got thün/sicher got
wirt es thün. Aber durch die hend der menschen/wie hienor zu
mer ma'len geschehñ ist. Wa seind nun ir fürsten vñ herren. was
thünd ir dartzü/mit was rat/mit was beystand erzaigt ir vns
hilff. Beuor **R. C. S.** welcher von wegen erblicher vñ angebor-
ner gerechtigkeit züstet vñ gebürt der teütschen nation freyhait
zu vnderhalten. Was gibt die für ain rat hie zu. Durch welchen
weg hilfft sy vns. Welchen zügang nimpt sy ein. O wölt got dz
aintweder ir den mit sin vñ willen hetten/die ir das vermügen
habt/oder aber das wir des vermügens weren die den willen

müt vñ syn haben/ is wir mit dem lam̄ dem seligmacher des
menschlichen geschichts stritten diß vilhörnig wild thier/ ain
gmain beschwerüg der ganzen Christenheit/ welches yetz mit
grosser macht die warheit bekriegeret/ die frumen/ gotsfürchtigen
hailigen leüt bejert/ die freyen in gefengknus gefürt. vnser
güter vñ reichrumb außgeschöpfft/ die hab verschlindt/ der gan
zen Christenheit sitten durch sein böß exempel vñ vorbild ver
derbt/ vñ von den der namen in dem büch des lebens nit geschri
ben seind angebet wirt/ die zü vns sprechen. Wer ist disem thier
ainlich/ vñ wer vermag mit im zü streyten. Derhalben huy ir die
das vermügen habent/ kompt vns zü hilff/ vnd weñ ir auß vn
ser ermanung ain gemüt genomen habt/ so taylt vns dargegen
widerüb eüwer macht mit/ dan durch dise weg vnd weiß wirdt
dise krankheit gehaylet werden. Warlich ich wil allzeit eüwer
getreüwer ermaner vñ anreger sein/ vñ so lang bey eüch bleiben
biß ich sich das ir aintweder widerüb die sterck vñ manlich vest
nit annemen oder aber vermerck das ir der stercke nit empfeng
lich sey/ denn so wil ich ain andere artzney für dise krankheit
suchen/ ich bit aber darvor zü sein das es nit geschech. Nit alain
darumb das ir es auffß leichtest vermegt/ sonder auch dz es auß
aller schentlichest vñ vnerlichest ist/ dz gmain Regiment durch
ander dan durch die hauptfürsten vñ herren widerüb zü erheben
Wir werden nicht allain beweltiget/ die wir vns vnderstanden
haben ermanung vñ erinnerüg zethun/ sonder sy beflissen sich
yetz alle menschen vnder zetrucken. Ir sölt das auch nit leiden/
als die freyen leüt. So sölt ir auch disem als die fürsten fürston
Catho der elter hat in vorzeiten zü Rom gesagt / die Amptleüt
vñ Regenten solt man mit steinen zü tod werffen/ die gwalt ver
möchtent zü erwerben vñ erwertens nit. So hoch von nöten hat
er diß ampt im gmainen nutz gehalten/ wie vnerlich aber wie
schentlich vñ vnredlich ist es/ das die Natiō die da ist ain künig
gin aller Natiō yemants (vil weniger den müßigen pfaffen)
dienstbar sein sol. O wölt got das wir darfür den Türckñ vnder
thenig weren/ die doch menner seind vñ ser gestreng vñ vest/ vñ
so krieges erfahren als Rom yendert ain nation/ damit man dise
schuld dem glick das im krieg ser gross macht hat zü messen müg

Ja die Türcken regieren auch gütiger/ vñ sind gegen iren vn-
derthonen sensftmütiger. So streyten sy auch nit vmb den glau-
ben vñ götlichen dienst/sonder kriegen vmb die fürstlichen ober-
kait. Aber dise vnser herren was setzen sy doch für ain maß vnd
end zū rauben vñ blindern schinden vñ schaben/vnd wer künd
doch den götlichen dienst also mit füßen treten/als eben die so
wiewol sy die oberkait in gottes dienst haben/gerad wider den
herren Christum vñ die warhafftigen gotzforcht leben. warlich
ich schem mich vnserer so oft ich sich dz der bischof zū Rom hie
auch den fürsten etwas gebeüt/ doch thut das der bapst als oft
es im gefelt vñ geliebte/vñ so oft es im dienstlich vñ zütreglich
ist. Vnd als ich sich so laist ir im gehorsam/allain das E. C. G.
Doctor Martin Luther von allen menschen verlassen haltet vñ
geacht würe in sich ernerer vñ vnderhalten ain funcken der al-
ten stercke vñ veste/welcher aineft möcht das aller hailwertigest
feüwr anzünden. Derwegen E. C. G. ich mit gar vndertenigem
fleiß erman vñ bit/diñ beständiglich zethün/vñ von berürtem
fürnemen nit zū ston. Mit allain darumb das es also sein muß/
sonder auch das man in diser sachen zū niemants anderem mer
vñ bass hoffnung haben mag. Wan die Sachsen seind alle zeit
frey gewesen/alle zeit vnüberwindlich. Ja wen oft schier das
gantz Germanien vñ teütsch land bekriegt ist worden/so habñ
die Sachsen allain die fremden herren abgetriben/vñ sich aller
dienstbarkeit gewidert. Dan ich zel vnder eüch die Westphalen
vñ die so in vor zeiten die Cherusci vñ Cauci gehaissen/ain mer-
ckliche erzaigung irer manlichen gemüt vnd gethet in dem Rö-
mischen krieg gethon/vñ teütschen landen den Arminius gebñ
haben/den aller besten vñ aller stercksten hauptman der ye auff
erden gewesen ist/welches lob er auch von den feinden erlanget
hat. Welcher nit alain sein vatterland/sonder gantz Germanie
vñ teütsch land auß den henden der römer die zeit do sy am mech-
tigsten vñ reichsten waren erlediget vnd gerissen/vñ die Römer
mit vil vñ vngehörten schlachten darnider gelegt/manlich ver-
triben vñ veriagt. Derhalbñ der selbig vnser erlöser/was maint
er was helt er yetz in ihener welt/wen er sich t/weil er die vesten
Römer vñ herin der welt hie nit hat lassen herschen vñ regieren

vns sicht den verzägen pfaffen vñ weibische bischoffen dienst
bar vñ vnderthenig sein. Solt er sich mit seiner nachkommen sche/
men. O was seind eürer kayser Ottones für menner gewesen.
Ja auch kayser Hainrichen /auch eürers geblüts /geschlechts/
vñ stammes. Weiter im krieg der mit kayser Karel dem grossen ist
lenger dan dreissig jar gefüret worden /was ist für grosse stercke/
was für grosse vest der Sachsen erfahren worden. Setzet auch dar/
zú die so die letzte hauffen der Gothen vmbgebracht vñ erschla/
gen haben /dan es seind auch Sachsen gewesen / auch die Bri/
tannien oder Engelland bekriegt vnd gewunnē haben /vñ nach
vertreybung der inwoner /die Engellender von inen vñ Schots/
ten darein gesetzt. Was solich auch von den alten Cimbris vñ
Teutones sagē /die vor zeiten mit grossem schadē der stat Rom
aus eürern landē in Italien gefallen seind. Solgend o wie offte
sein die Sachsen in Italien gezogen. wie offte haben sy zusamt
andern Frankreich verhört / vnd Hispanien auch darneben an/
griffen. Ja man findt auch das die Sachsen mit den Sarmatē
redlich gekriegt haben /vnd was vñ wie hochrümliche sig habē
E. C. G. Sachsen zú mermalen von den Heinen /vnd darnach
auch von den Ungern erhalten. Ich übergee vil geschichtē mit
vorsatz vnd willig /dan es ist gnüg diß ainigen gedacht haben /
das allain die Sachsen nie kainer fremden nation vnderthenig
vnd dienstbar gewesen ist /das sich gebürt eüch zú sehen vñ be/
dencken /auff das weil eürer vorfardern so theür leüt gewesen
seind /ir nichts thüt /das eürern geschlecht übel anstünde. Ist
wol war /ir habt das joch auff eüch genomen von den Bepsten
vnd Bischoffen / eben wie die andern all durch den vnglauben
erwaicht. Weil man aber dise beschwerung mag achten für ain
solchel ast. die vileicht durch ordnung des himels lauff die ganz
Christenheit in gemain hat sollen übergon /denocht werden ir
dise vner leichtlich mit ainer neüwen außleschen /wan ir haupt/
secher seind der aller feynsten vñ erlichstē that /damit durch eüch
die ganz nation widerüb frey werd /vñ Germanien oder teütsch
land widerüb zú jm selbs kōm /welches yetz o ewiger herz Christe
mit verstat / mit waist was /vñ wie vnbilliche vñ vnerliche ding
es leidet vnd erdu!det /derhalben laßt vns aintweder auffhören

Das Kayserthumb vnd oberst regiment der welt vns zu zeschrei-
ben/vñ vns alhie Kayser zu erwölen die alain den namen haben
so sy doch mit der that am ferresten daruō seind. Oder aber laßt
vns künlich das bepstisch tyrannisch regiment auff heben vnd
abthün. All tugent wie Plato maint seind frey/alain die bösen
seind würdig der dienstbarkeit. Solt das besser sein böß sein dan
für die frumste gehalten werden. Wen der großhetig feldhaupt
man Themistocles yetzo lebet/so möcht er wider vns das sagen
so er vorzeiten wider die Erethrienser saget/sy heten das schwert
aber sy heten kein hertz vnd müt/dan dafür eben sich ich es an
Mich verwundert ser/was ir fürsten vnd herren gedencet/weñ
ir sehent mich reüter dise vnbillichait so beschwerlich ertragen
vnd verdulden/dan es het vil baß vñ mer eüch gebirt/ etlich dar-
mit zu bekütern. Nun möcht E.C.G. wainen / so weil eüwer
vorfardern vil loblicher vñ grosser gethaten vñ geschicht gethon
ir kein visach vñ gelegenhait gelassen het/auch rüm eer vñ glo-
rien zu erlangen. Aber sy haben E.C.G. die aller best vnd aller
fruchtbarst gelegenhait gelassen. E.C.G. greif nur kecklich vñ
künlich darnach. Aber das wir fürhaben/wirt nit on mord/nit
on blüt vergiessen geschehen/da sehent die auff die vns verursa-
chen sy zu verfolgen/die ich für gantz würdig achte sy mit dem
schwert zu schlagen/so die andern so dick vñ oft hievor geschla-
gen haben. Also pflegen zu mermalē die aller hefftigste krank-
hait mit den aller hefftigsten artzneyē zu hailen/also muß man
hie auch tün/weil es nit anders kan zügen. Aber ich halt es dar-
für/das E.C.G. von vnserer schand vnd vneer/welches zum er-
sten vñ fürnemlich hat sich gebürt zethün gnüg eingebildet sey.
Aber von dem schaden vñ nachtail/ so wir von der berürten ty-
ranney haben/dürffen wir nit so vil anzaigen thün /darumb dz
alle menschen offentlich sehent vnd verstond welcher massen er
ist. Wir sehen das in Teütschen landen kein gold vñ auch schier
kein silber ist/wen aber ain wenig noch überliben ist/das sel-
big zeücht der aller hailigest Romanisten vñ Curtisan rat aufs
aller geizigest zu im/durch erdichtüg neüwer fünd vñ tück/vñ
wen er vns etwas abgerissen hat/so wendt er es dan in den aller
ergsten mißbrauch. Dan lieben Teütschen ich hab zu Rom ges

b

sehen was vnser gelt machet. Es thüt vñ macht etwas. Leo der
zehent gibt des ain tail überschwencklich seinen vettern ohemē
vnd freunden deren er also vil hatt das ain sprichwort darauff
worden ist/ des Leon zu Rom vetern vnd schweger. Ain tail ver-
zeren souil erwidigsten Cardinel. deren ain vñ dreissig der vater
oder pater auff ain ainigen tag gemacht hat/ souil reuerendarij
souil auditores/ prothonotarien/ abbreviatores bepstisch schrei-
ber/ kamerer/ officiel/ vñ der gleichen ander/ der obersten kirchen-
primaten vñ fürnemsten/ wañ die selbigen haben an inen mitt
überschwencklichem grossen vnkosten copysten/ bedellen/ bot-
ten/ knecht/ kerer/ eseltreiber/ stalknecht/ vñ ain vnzellig schar hü-
ren/ büben/ ruffianer/ vñ kupler/ so halten sy auch hund/ pferd/
affen/ merkatzen/ vnd vil der gleichen vmb des wollusts willen
so barwen sy heißer von ganzem marmelstein/ vñ haben edel ge-
stein/ leben fast wol/ vñ klayden sich kostlich/ schlemen/ prassen
vnd warten irer wollust on alle sorg/ kürzlich vnd in der summa
ain merckliche menig vnd anzal der aller bößhaftigisten men-
schen gat zu Rom durch hilff vnser gelts vñ gäts müßig. Da
selbst ist kein achtung vnd aufsehung des götlichen diensts/ ja
ain grosse verachtung. Der gleichen ich kaum glaub auch bey
den Türcken sein/ sy betriegen/ sy besseren/ sy stelen/ sy liegen/ sy
felschen die sigel/ sy reden vñ thünd alle ding vmb des gewins
willen. Vnd aller die daselbst seind fürnemest ist/ nach vnserem
gelt vnd gut mit betrug zu trachten. Sy leben auch darüb das sy
essen vnd trincken/ vñ auffs aller kostlichest in wollust stecken/
vñ dasselbig erheben sy durch vnsern vnkosten. Vm diser sachen
willen durchlechtigster Fürst vnd gnedigster herz/ schicken wir
von hinnen jerlich ain merckliche grosse summa gelts/ denoch
verstond wir noch nit das wir das gelt nit verlieren vñ in dieck
werffen/ das wir also außgeben/ ja das nit allain vnser gut vnd
gelt also verloren wirt sonder vsach wirt vnzlicher grosser übel
Demnach geliebt vns zu philosophieren/ vnd thün wie im vor
zeiten die philosophi oder weysen gethon haben/ vnd wir be-
schlossen haben das gelt weg zu werffen/ so haben wir in der
nehe das mör vñ die see/ vñ fließende wasser/ bey vns den Meyn
weiter den Keyn/ vñ dort L. C. G. die Elbe/ vnd andere wasser

mer/laßt vns das gelt daselbst hinein werffen/ auff das es mer
verloren werd/dann das es allenthalben vil leuten vrsach werd
ires wollusts/weil wir dise vntugent zu Rom daruon erneren
vñ halten so überflüssiglich das da se'bst her etwas überfließt
vñ sich ergeüßt/weil wir dise gemaine pestilenz der sitten hal/
ten/vñ dise vergiffte vmb sich wachsende sucht des vntugentli/
chen lebens erneren vñ vnderhalten/aber laßt es vns nit weg
werffen/sonder allain nit anderwhahin füren vñ wenden. Dis
wirt der erst vñ best weg/vñ die weiß vñ maß sein benantes ty/
rannisch oder wüterisch regiment zerstörn vñ zu vertülgen/dan
weñ man inen dise narung vñ auffenthalt des überflusses enzo/
gen hat/so werden sy sich dester weniger erheben vñ trösten/vñ
in gmain glimpfiger vñ gütiger werdñ. Darnach so wollen wir
durch ain hauptman den alten kayser Otten gemess den bepst/
lichen vñ Cardinel Rat mustern/vñ die gantz stat Rom besich/
tigen/vñ der bösen ser vil vertreiben vñ entsetzen/etlich wenig
verordnē der götlichen ampt zu warten/vñ sy nit lassen herschñ
vñ regieren. Dem kayser so er wil wollen wir den stül vñ den hof
des kayserlichen regiments wider einreümen vnd geben/den bis/
schoff zu Rom (damit die bischoff all gleich seyen) wollen wir
herab setzen vnd geringer machen/den pfaffen wollen wir die
zinß mindern/wir wollen sy zu der messigkeit bringen/ir weni/
ger machen/vñ auß hundert pfaffen ainen außlesen vñ nemen
Aber was wollen wir mit den machē/so die brüder oder münch
genennet werden/was anders dan das ich achte/das man die
münch all sol abthün.welches man wissen sol/dz so es geschch
gemainer Christenheit ser nütz/ser gut/ vnd ser fürreglich sein
würd. Dan erstlich weñ souil secten souil versammlung eingezo/
gen/vñ in ain ainigen hauffen gebracht/souil vngleicher mai/
nung mit ainander verainigt vñ versönet werden/die vng'eich/
heit des lebens auffgehoben wirt/so wirt der hymelisch vñ in/
nerlich widerwill auffhören/so wirt kain vrsach der verkörlichñ
vñ bösen gramtschafft sein/auch kain verursachung vnd zünder
des neydes sein/dan wir werden alle in dem herzen Christo ain
ainig ding sein/es wirt ston vñ bestendig bleiben gemain ain/
trechtig/vñ wir werdñ vns alle zusamen thün vñ halten/damit

wir außwendig von den anderen vnderchieden seind. So dan
wirt kein weibischer/blöder/lustsücher/ oder geyziger wie yetz/
nach gaislichen lehen vñ pfründen ston vñ trachten/ die frumē
vnd gelerten/die mit dem exempel vñ vorbild des lebens die an
dern frümer machen/vñ mit der kunst vñ leer vil leüt vnderwey
sen vnd leeren/werden dartzu erfordert/vñ gezogen werden. Sol/
gent/so werden (welches zum vordersten zu wünschen ist) souil
gleichner auffhören dem ainfeltigen volck ain gepler vñ spie/
gelfechte zu machen. den armē iren schweiß vñ blüt ab zebetlen
alle menschen auß zuschöpfen/sich zufüllen. vnder der falschen
gestalt des götlichen diensts zu betriegen vñnd gefaren. Sicht
L. C. G. mit wie vil arglistiger vñ betriüglcher büben vnder der
münchs kappen zu weilen grosse böshait vñ übelthat treiben/
vñ das yetz vil betriüglch habich der taubē ainfalt fürgeben/vñ
vil raubender wölff sich stellen als weren sy vnschuldige lemb/
lin. Vnder welchen doch wen etlich frümer seind/etlich ir neüw
auffsatzüg vñ fünd aberglaublich halten/vñ das so Christus vn
ser herz aufgesetzt vñ gebotten hat/vnchristlich überteten. Wen
dise souil beschwerung so teütschland verzeren/vñ ye lenger vnd
mer alle ding verschlinden abthon wurden/vñ den Romanistē
vñ curtisanen ir freyhait zu rauben/schinden/vñ schaben genōs
men würd/so würd hie vil gold/so würd hie vil silber sein/vnd
souil vns desselben bleiben wirt/so wirt man mügen baß anle/
gen vñ wenden/als nemlich groß hör vñ kriegs volck darvon zu
halten/das Reich zu meren/auch so es vns geliebt vnd für güc
angesehen wirdt/die Türcken darmit zu betriegen/auff das vil
die yetz auß armüt stelen vñ rauben so dan sich durch besoldung
mügen vnderhalten/oder die sunst arm vñ dürfftig seind/durch
versehung des gemainen schatz sich zu erneren. vnd der armüt zu
erworen gehalten. Auch das die aller gelertisten danon gehalten
vñ die freye vñ güte schrift leer vñ kunst gefürdert vñ beschützet
werden. Vnd in der sum/das die tugent belonet werd/vnd das
man ain aufsehen vnd achtung hab auff die aingeborne auß
armen leüt/das das müssiggon vertriben werd/vñ die betriege
rey abkom. Wen das die Beham sehen werden/so werden sy es
in allen sachen mit vns halten/dan darumb das sy hienvor inen

selbs wider die geytzigen paffen vñ gaislich ait geholffen vñ
geraten haben/ seind sy daran verhindert worden. So werdens
die Briechen auch mit vns halten/welche (als sy der Bepst ty-
rannisch vñ wüterisch regiment vñ wesen wederwolten noch
kündten leiden) seind sy auff der Rómer eingeben nun lang zeit
für schismatici oder zertrenner der chüstlichen eintracht gehal-
ten worden. Also werdñ auch die Reussen die vnser vñ Christen
werden/welche als sy in nechstuergangen jaren wolten chüstl
werden/seind sy von jm in irem fürnemen durch den aller hay-
ligsten abgetrungen worden/der von jnen gefordert hat/ jm jer-
lich viermal hundert tausent guldin zu geben. Also werden vns
auch die Türcken nit so serhassen vñ gram sein. Auch kein Haid
vñ vnglaubigen wie vor vrsach haben vns übel zu reden/dañ
bisher hat das vneerlich schentlich leben der gaystlichen obern
der Christen namen bey den vnglaubigen heffig verachtig vñ
vnansehnlich gemacht/solt das sein das auff vñ ab farende
schiflein sant Peters in den flüssen vñ möz quellen ertrencken/
die kirchen gotes zerstören/ vñ wie die kirchdiebischen Romani-
sten vñ Curtisan schreyen die vnrain schul vñ zunfft der Epicu-
rer vñ lustbegirigen rüfft den vngeneneten rock des herzen zerrissen
oder aber durch den zügang soniler vöcker/durch besserung vñ
rechtfertigung in gemain der siten des lebens vñ wesens/vñ
durch ablegung der vergiffen bösen exempel vñ vorbild/raini-
gen/erheben/vñ meren. Derwegen sicht E. E. G. wie gar die
matnung nit ist das die chüstlich vñ brüderlich lieb sol vertül-
get werden/sonder das nach hinlegung der ding die dartzü hin-
derung thünt/dartzü raum vñ stat geben vñ gemacht werd. Wie
gar mein mainung nit ist das die chüstlich kirch zerstört werd/
sonder das die betrüglischen ferlichen Antichristen vertriben vñ
veriaht werden/vñ frumen rechten Christen/vñ die ains güten
lebens seind/die kirchen zu verwalten/versorgen/vñ versehen
ain zügang geben werd. Demnach wirdt diß fürnemen nichts
anders sein/dañ die chüstlich lieb wider auff bringen/die kirch
meren/vñ in des das man in gemain der ganzen Christenheit
hilfft/dem vatterland merckliche fürderung vñ vortail erzaigen.
Dan die gleichs wesens stands vñ willens seind/seind leichtlich

aintrechtig vnd fridlich gegen ainander/vnd die ains götlichen
Lebens seind/müssen von not wegen ainander lieb haben. Wenn
wir nun die müßigen vñ faulen premen oder humeln vertriben
haben/so werdñ die honigbringend pyn züfliege/welche on vn
ser sorgfeltigkeit dise pynstöck widerüb vol honigs setzen werde
dan die reichtüben werdñ nit sein ain rayzung vñ verursachüg
zü vntugenden. So wirt auch die überschwencklichkeit der güter
nit zü ain bösen leben ziehen. O wölt got das aintweder ir daro
zü willen vñ naygung heten die ir es zethün vermüget/ oder aber
das ich des vermügens wer der den mit syn vñ willen darzü hat
Vnd so ich eüch nit würd mügen bewegen vñ erregen/vnd an/
derswa auch mit ain feür erwecken/durch welchs dise ding vers
brent werden/so wil ich doch dz ich alain zethün vermag nichts
thün das ainem vesten vnd vnerschrocknen vom Adel übel an/
stat/vnd nymer mer weil ich bey güter vernunfft sein wird. das
wenigest von meinem fürnemen abtreten. Aber erwer die ich
würd sehen von der manlichen stercke vnd veste fallen (so ich es
anders sehen wird)mich erbarmen vnd ain mitleyden mit eüch
tragen/vnd wil frey beleiben/dan ich fürcht den tod nit. Es sol
nymer mer vom Hutten gehüt werden das er ainem frembden
Künig wie groß vnd mechtig der ist/vñ vil weniger dem vnthe
tigen bapst dienstbar vnd vnderthenig sey. So gar wird ich nit
züsamt eüch das selbig vilhauptig wild thier anbeten/nit ala
lain darüb das es wider mein natur ist/vñ das ichs dafür halt
es stand mir übel an/vnd sey mir vnerlich/sonder auch am may
stend darüb/das ich mich wird fürchten vñ besorgen/es möchten
die trinckgeschirz des götlichen zorns wider mich außgeschütet
werden. Aber verzo verlaß ich die stet/darüb das ich die warhait
nit kan verlassen/vnd lig innen auffß aller freyest/darumb das
ich nit kan frey vnder den leüten sein/mit grosser verachtüg der
gefeslichkeit die mich vmbbringt vñ vmbgeben hat/dan ich kan
sterbñ/aber ich kan nit vnerlich vnderworfen vñ dienstbar sein
Ich kan auch nit sehen/das die Teütsch nation vnerlich dienst
bar sey/aber ich halt/ich wöll aineß auß disen winckeln hinauß
brechen vnd fallen/vnd der Teütschen treü vnd glauben anrüf
fen/vñ vileicht an dem ort da die aller gröst versamlung der leüte

sein wirt mit lauter stim schreyen. Nun wer darff mitsampt vñ
neben dem Hutten vmb gemainer freyhait willen sterben. Dis
hab E.C.G. ich mit merer freyhait auß bewegung meines ge/
müts. dan gegen E.C.G. wol billich beschehen solt/angezaigt/
aber ich hab trostliche gute hoffnung zu E.C.G. gehabt/vñ der
halben es darfür gehalten/ich solt zu ainem freyen frey vñ vner/
schrocken schreibē. E.C.G. gehab sich glückseliglich/vñ errege
sich. Geben zu Eberburg/an der dritten Idus des Septembers
das ist am afftermontag nach vnser lieben frawen geburt. Im
jar nach der geburt vnser herren. 1520.

Vndertheniger diener Ulrich
von Hutten.

1941 6A

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

m.c




Pou Vg 411 QK

ULB Halle

3

003 027 864





QK. 198. (38)



Ulrichs von Hut-

ten verteiſcht clag/ an Herzog Friderich zu Sach-
ſen. Des hayligen Römischen Reichs Erz
marschalck vñ Churfürsten Land-
grauen in Thüringen/ vnd
Marchgrauen zu
Meiſſen.



1520

